



## Universitätsbibliothek Paderborn

**B. Alberti Doctoris Magni ex Ordine Prædicatorum  
Episcopi Ratisponensis De Adhærendo Deo Libellvs**

**Johannes <de Castello>  
Albertus <Magnus>**

**Antverpiae, 1621**

Cap. III. Quòd oratione magis adeptus sit scientiam quàm studio & labore,  
& quòd præcipuus fuerit inter deuotiores fratres.

**urn:nbn:de:hbz:466:1-44148**

to Magistro Iordanè, Prædicatoris collegio est hinc sociatus in Agrippina Colonia, vbi paulò antè Prædicatorum Ordinis Fratres ecclesiam sanctæ Crucis cum Hospitali & cappella sanctæ Mariæ Magdalena ad inhabitandum à reuerendissimo Domino Archiepiscopo Domino Engelberto Primo gratiōsē susceperant, anno videlicet Domini m. cc. xxii. post secundum Capitulum Bononiæ per beatum Dominicum celebratum.

## CAPVT III.

*Quòd oratione magis adeptus sit  
scientiam quam studio & labore,  
& quòd præcipuus fuerit inter de-  
uotiores Fratres.*

**A**LBERTVS igitur, vt infrà clariùs patebit, per visum ad studium & Religionis amorem à glorioſa Virgine Maria animatus, feruentissimè studens, puritati mentis litterisque non segniter operam dabant. Erat enim modus ipsius primò oratione & deuotione mentem

D 7 ad

ad alta diuinorum sustollere, ut sci-  
entiam illam quæ mirabilis est & confor-  
mata, ad quam non poterat humanus  
intellectus pertingere naturaliter, gra-  
tia cooperante deuotionis posset inue-  
nire efficaciter. Testabatur autem non-  
numquam discipulis, ea sæpiùs ora-  
tione impetrasse, quæ aliàs labore &  
studio capere non valuit. Quare & in  
principio Summæ suæ, de mirabili  
scientia Dei ita dicit: *Oratione & de-  
uotione plus acquiritur in diuinis sci-  
entiis quam studio.* illud Sapientiæ dictum  
pro confirmatione inducens: *Optavi,  
& datus est mihi sensus; & inuocavi, &  
venit in me spiritus sapientiæ.* quasi di-  
ceret: Optavi deuotione, inuocavi au-  
tem assidua oratione: *diuina namque sa-  
pientia imprimitur nobis, nobis ascenden-  
tibus ad Deum & ad ipsam sapientiam,*  
*sicut cera ascendit ad sigillum, & non econ-  
uersò.* hæc ille.

Tantus, vt ait Magister Humbertus,  
tunc feroꝝ Fratrum in Ordine fuit,  
quòd nullus enarrare sufficiat: siqui-  
dem spiritus vitæ erat in rotis, cuius  
virtute animalia ibant & reuerteban-  
tur, & eleuabantur secundūm volunta-  
tem

Sap. 7.

tem spiritus dirigerentis. Sed inter hos iste Albertus mirabiliter falsit: vnde tres viri præclarri vita & scientia, qui ipsum nouerant, fidele testimonium dant suis in scriptis. Humbertus inquit de ipso in Epistola, quod maximè diuinam Scripturam & puritatem conscientiæ amauerit, haberetque giganteos humeros ad quævis onera Ordinis sustinenda; & his similia de ipso prosequens. Thomas autem Brabantinus in libro Apum ait de eodem Alberto, quod non mirabile cuiquam videri debat quod supra hominem in scientia profecit, qui tam perfectus in virtutibus fuit. Ulricus autem in Summa de Alberto ait: *Adeò diuinus fuit Albertus, ut congruè nostro tempore stupor & miraculum dici possit.* Ecce testimonia credibilia nimis ab ipsis prolata, qui vitam viri familiariter nouerant: Humbertus enim Magister Ordinis tamquam Superior; alij verò duo Fratres, vti discipuli.

CA-